

Landesbibliothek Oldenburg

Digitalisierung von Drucken

Jonstoni Historia Naturalis

Ioannis Ionstoni|| Theatrvm|| Vniversale|| De Avibvs


Jonston, Jan

Heilbrunna, MDCCLVI.

VD18 90528921

Illustration: Tab. 51. Ardea stellaris maior [...]

urn:nbn:de:gbv:45:1-11068



uiridi ad caeruleum inclinante, *cruribus* et pedibus, rubri saturati coloris, *cauda* tam exigua, ut ea prorsus carere uideatur.

III. *SQVAIOTTA* Italogum. *Cauda* breui, *pedibus* uiridibus, *rostro* luteo in extremo nigricante. *Apex capitis* triginta plumis constat, quarum mediae albae sunt, extremae nigrae, in tergore pinnae elegantes coloris rubicundi in suis radicibus albae.

Congener ipsi est et ista, *rostro* maxime arcuato, colore prorsus leucophaeo. *Auis* est aspectu non inuenusta. Prone ad collum et pectus, quod nigris maculis, ut in ardea, deorsum descendentibus consper-

sum cernitur, albicat. Caetera tota est leucophaei coloris, prone remissioris, supine intensioris. *Femora* in ea contra, ac in reliquis pennis, uestiuntur.

Ex ardeis quoque albis sunt tum ea, quae *garzetta bianca* dicitur, *rostro* longo, gracili, acutissimo, *digitis* postico omnium minimo, *anteriorum* medio longissimo, *inter oculos* et *rostrum* maculata, tum ea, quae uertice est croceo, *pedibus* pro proportionem corporis longissimis, fuscis, albicantibus annulis circumdati. *Vngue* medii *digiti* caeteris longiore ferrato.

ARTICVLVS III.

De Ardea Asteria siue Stellari.

Ardeae stellaris triplex genus est, *minus*, *maius* et *cristatum*. *MINVS* dicitur Aristoteli, taurus Plinio, botaurus, butorius et buttoraliis dicitur et quibusdam ornocrotalus esse putatur. *Collo* est longo et mire plumoso. *Capite* nigro, corpore reliquo fusco et pallido maculis nigris densissime adperso. *Pedes* habet longissimos et inter extremos *ungues* medii *digiti* *pedis* unius et *calcis* eiusdem *spithamae* *longitudo* intercedit, *ungues* longissimos et ille, qui *calcis* uicem in aibus gerit, *longitudine* sesquiunciam superat. *Medius digitus* utriusque *pedis*, qui caeteris longior, dentatus et ferratus est. *Cauda* illi breuissima. *Stomachus*, quo *ingluuii* loco utitur, capacissimus, canino similis. *Arteria aspera* in eo tota continua est, *larynx* nulla nec, quod huic analogia quadam respondeat. *Dammum* hoc compensare uoluisse naturam uidetur *canalium duorum* hinc inde in pulmones utrosque abeuntium structura. Ita enim fabricati sunt, ut annuli cartilaginei minime totum absoluant circulum, sed exteriori duntaxat parte medium, interiori, ubi aliis aibus hic circuli fissura tantum-

modo in longum dissecantur, membrana quaedam tenuissima alteram canalis deuariati exacte medietatem absoluens, plana et aequabilis obtenditur, quin et hemicycli latus exterius componentes rari admodum, interiectis subtilissimis membranis siue tunicis, ad faciliorem et maiorem distentionem facti sunt, quo nempe largissimus et hoc facili tumescere meatu conceptus aer, *rostro* in aquam inserto aliquandiu retentus, tandem per apertum et extractum, qua data porta, maximo impetu erumperet. Prolobo caret, at eius loco amplissimum oesophagum habet.

Videtur ranis et piscibus, inprimis anguillis.

Nidum ex arundinibus intertextum cum *ouis* duodecim in lacu quodam se uidisse ipsamque auem colore ita ad arundinem accedere, ut inter arundines sedens uix deprehendatur, reliquit Gesnerus. At eundem ex furculis in cellarum arborum ramis struere et ita aut quatuor oua excludere reliquit Bello-

sius. De uoce diximus, cui similes illi sonidi cuntur, quos *βρυχιδες* Aristote-